



Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odlukom Upravnog odbora Fonda broj: UO-01-3-13-11-2/2023 od 30.10.2023. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energijske efikasnosti u stambenim objektima za 2023. godinu – JP BPEU SS 2023-1 („Službene novine Federacije BiH - Oglasni dio“ broj: 85/23 od 03.11.2023. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

O D L U K U

I.

Odbija se prigovor podnosioca prijave, Fikreta Rustemović, ul. Srednja broj 10, 71000 Stari Grad, kao neosnovan.

Podnosilac prigovora ima pravo ponovnog podnošenja prijave u skladu sa uvjetima Javnog poziva.

II.

Ova Odluka je konačna i stupa na snagu danom donošenja.

O b r a z l o ž e n j e

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energijske efikasnosti u stambenim objektima za 2023. godinu – JP BPEU SS 2023-1 broj: 01-09-12-227/2024 od 03.06.2024.godine, utvrđeno je da prijava pod rednim brojem 2981 nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj 01-09-12-1778/24 od 14.06.2024. godine, utvrđeno je:

- Uvidom u dostavljeno, kao i u rezultate raspodjele sredstava Federalnog ministarstva rada i socijalne politike, Komisija je utvrdila da je podnosilac prijave ostvario pomenutu pomoć Ministarstva. U tekstu Javnog poziva jasno je naveden (u točki 1.2 - Korisnici sredstava i uslovi učešća) uvjet da podnosilac prijave nema prava sudjelovati na Javnom pozivu ukoliko je prethodno ostvario finansijsku pomoć, odnosno podršku energetske siromašnih potrošačima da prevaziđu povećanje cijena za grijanje. Pored navedenog, u tački 4. (Izjava podnosioca prijave) Prijavnog obrasca Javnog poziva za dodjelu sredstava s pozicije Tekućeg transfera drugim razinama vlasti i fondovima - Podrška Europske unije Bosni i Hercegovini u cilju ublažavanja negativnog socio-ekonomskog utjecaja energetske krize, objavljenog od strane Federalnog ministarstva rada i socijalne politike, podnosilac prijave je potpisao Izjavu kojom se navodi da „niti ja niti ostali članovi mogaćinstva nismo aplicirali niti imamo namjeru aplicirati za korištenje sredstava po osnovu Javnog poziva raspisanog od strane Fonda za zaštitu okoliša Federacije Bosne i Hercegovine kroz koji se dodjeljuju sredstva za podršku mjerama energetske efikasnosti stambenih objekata.“

Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.



Sladjan Bevanda, direktor

Broj: 01-09-12-3190 /2024

Sarajevo, 21.06.2024

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a